

କଲସିୟ ମଣ୍ଡଳିକୁ ପ୍ରେରିତ ପାଉଲଙ୍କ ପତ୍ର କଲସିର୍ ଲକ୍ମନଙ୍କେ ପ୍ରେରିତ ପାଉଲାର ଚିଠି କଲସି ଚିଠି ବିଷୟେ ହଃଦେକ୍

କଲସିୟ ମନଙ୍କେ ଲେକ୍ଲା ଚିଠି ଅଃଉଁଲି ପାଉଲ୍ ଲେକ୍ଲା ଚିଠି ୧:୧ । ଅଃଉଁ ହାରେ ଜିସୁକ୍ରିସ୍ଟର୍ ଜଃଲମାର୍ ହାକାହାକି ୬୦ ମଃସିଆ ବଃଲ୍ ରମ୍ ତଃୟ୍ ିଃୟ୍ ଗଃରେ ରିଲାବଃଲ୍ ଇ ଚିଠି ଲେକିରିଲା । କଲସି ଚିଠି ସଃକ୍ ଏପିସିୟ ଆର୍ ପିଲିପିୟ ଚିଠିକ୍ ଜଃୟ୍ ଗଃରାର ଚିଠି ବଃଲ୍ତି, କାୟ୍ତାକ୍ବଃଲେକ୍ ପାଉଲ ଜଃୟ୍ ଗଃରେ ରିଲାବଃଲ୍ ଇ ଚିଠି ସେ ଲେକିରିଲା । ସେ କଲସିୟ ବଃସ୍ତ୍ରିଏ ହୁଣି ଇ ଚିଠି କଲସିୟ ମଣ୍ଡଳିକେ ଲେକିରିଲା । ପାଉଲ ଇ ମଣ୍ଡଳିକେ ଆରୁମ୍ କଃରିନଃରିଲା ଜୁୟ୍ରି ସେ ୨:୧ ତଃୟ୍ ିଃୟ୍ ଜାଣାହଃଲୁଲି, ମଃତର୍ ବେସି ଲକ୍ ସେତି ମଃନ୍ ତାର ଦାୟ୍ତ ରିଲାର କଃତା କଃଉଁଲାୟ୍ । ଏପାପ୍ସ ଇ ମଣ୍ଡଳି ଚିଆ କଃରିରିଲା ସେତାକ୍ ସେ କଲସିର୍ ଲକ୍ ରିଲା ।

ପାଉଲ କଲସିୟ ମଣ୍ଡଳିର୍ କଃତେକ୍ ମିର୍ ସିକ୍ୟା ବିଷୟେ ବେସି ଚିତା କଃତ୍ ରିଲା । ସେ ଇ ବିଷୟେ ଚିଠି ଲେକ୍ତୁକେ ତାକେ ବେସି ସଃମୟ୍ ଲାଗିଆତେ । ଇରି ଅଃଉଁ ହାରେ ଗର୍ ଦଃଲ୍ ଜିଉଦି କ୍ରିସ୍ଟିଆନ୍ ମଃନ୍ ଜୁୟ୍ମଃନକି ବିନ୍ କ୍ରିସ୍ଟିଆନ୍ ମଃନ୍କେ ହର୍ନା ନିୟ୍ମାର୍ ଜିଉଦି ବିଦିକେ ମୁଲକଃରି ସୁନତ୍ ନିୟ୍ମକେ ମାନୁକେ ବଃତ୍ବାତ୍ କଃତ୍ ରିଲାୟ୍ । ପାଉଲ ମୁଲକଃରି ମଲ୍ନୟ୍ଲା କ୍ରିସ୍ଟିଆନ୍ ବିଷୟେ ଲେକ୍ତୁଲା ଗର୍ଲକ୍ ଜେହେଁ କ୍ରିସ୍ଟକେ ଚାଡିଦିଲେକ୍ ଇସ୍ପାର୍ ତଃୟ୍ ିଃୟ୍ ଲାତାର୍ ଅଃଉଁ ନାହାରେ ୧:୧୫-୨୦ ଆର୍ କଃତା କାଚାକାଚି ଅଃଉତା ତଃୟ୍ ତାହୁନ୍ ଅୟ୍ଲା ସିକ୍ୟାର୍ ମଲ୍ ନାୟ୍ ୨:୮ ।

ଇ ଚିଠି ବିତ୍ତେ ରିଲା ମୁକ୍ ବିଷୟମଃନ୍

୧. କଲସିୟ ମଣ୍ଡଳିକ୍ ପାଉଲାର୍ ଜୁଆର୍ । ୧:୧-୨

- ୨. ସଃବକେ ଉତ୍ୟା କ୍ରିଷ୍ଟୁ ଆର୍ ମିର୍ ସିକ୍ୟା ଉହ୍ରେ ପାଉଲାର୍ ଜଃବାଉ । ୧:୩-୩:୪
- ୩. ନିକ କ୍ରିଷ୍ଟୁଆନ୍ ଜିବନ୍ କାରୁକେ ପାଉଲାର୍ ସିକ୍ୟା । ୩:୫-୪:୬
- ୪. ପାଉଲ ଇ ଚିଟିକ୍ ବିନ୍ ମଣ୍ଡଲିଏ ହେଁ ହଲୁକେ ଲେକି ଜୁଆର୍ ଜାଣାୟ୍ ସେସ୍ କଃଲା । ୪:୭-୧୮

କଲସି ମଣ୍ଡଲିକେ ପେରିଡ୍ ପାଉଲାର୍ ଚିଟି

- 1 ଇସ୍ପରାର୍ ଇଚା ହଃକାରେ ପାଉଲ୍ କ୍ରିଷ୍ଟୁ ଜିସ୍ପୁର୍ ଗଟେକ୍ ପେରିଡ୍ ଚେଲା ଆର୍ ଅଃମାର୍ ବାୟ୍ ତିମତି ।
- 2 କଲସିଏ ରେତା ସାଦୁ ଆର୍ କ୍ରିଷ୍ଟୁର୍ ତଃୟ୍ ବିସ୍ବାସି ବାୟ୍ବେଣିମଃନକାର୍ ହାକ୍ ଲେକୁଲା; ଅଃମିମଃନାର୍ ଉବା ଇସ୍ପରାର୍ ତଃୟ୍ ଦଃୟା ଆର୍ ସୁସ୍ତା ତୁମିମଃନକେ ଅଃଉଅ ।

ଦନ୍ୟବାଦ୍ ପାର୍ଡନା

- 3 ଅଃମିମଃନ ତୁମିମଃନାର୍ ହାୟ୍ ପାର୍ଡନା କଃରି ଅଃମାର୍ ମାପୁ ଜିସୁ କ୍ରିଷ୍ଟୁର୍ ଉବାସି ଇସ୍ପରକେ ସଃବୁବଃଲ୍ ଦନ୍ୟବାଦ୍ ଦେଉଁଲୁ ।
- 4 କ୍ରିଷ୍ଟୁଜିସ୍ପୁର୍ ତଃୟ୍ ତୁମିମଃନାର୍ ବିସ୍ବାସ୍ ଆର୍ ସଃଗେ ତୁମିମଃନକାର୍ ହାୟ୍ ସଃଙ୍ଗାୟ୍ଲା ବଃର୍ସା ଗିନେ ସଃବୁ ସାଦୁମଃନକେ ତୁମିମଃନାର୍ ଲାଡ୍ ସୁଣି ଆତୁ । 5 ସେ ବଃର୍ସାର୍ କଃତା ତୁମିମଃନ ନିକ କବୁରାର୍ ସଃଡ୍ କଃତାୟ୍ ହୁବେ ସୁଣିଆଚାସ୍ । ସେରି ତୁମାର୍ ଗିନେ ସଃଗେ ସଃଙ୍ଗାୟ୍ ଅୟ୍ଆଚେ । 6 ଜୁୟ୍ ନିକ କବୁର୍ ତୁମିମଃନ ହଃଡ୍ଟୁ ସୁଣି ସଃଡ୍ କଃଲାସ୍ ଆରେକ୍, ସେରି ଜଃନକଃରି ସଃବୁ ଅଃବେ ଜଃଗତେ ଉଜ୍ ଅଃଉଁଲି, ଆର୍ ଆସିର୍ବାଦ୍ ଆଣିଆଚେ ତୁମିମଃନକେ ଜୁୟ୍ ଦିନ୍ ସେରି ସୁଣି ସଃଡ୍କଃରି ଇସ୍ପରାର୍ ଦଃୟାର୍ ବୁଦି ହାୟ୍ଲାସ୍, ସେଦିନ୍ହୁଣି ତୁମିମଃନାର୍ ବିତ୍ରେ ହେଁ ସେରକମ୍ ଅୟ୍ ଆସୁଲି ।
- 7*ଅଃମିମଃନାର୍ ସଃଙ୍ଗ୍ ରେତା ଲାଡାର୍ ସେବାକାରି ଏପାପ୍ରାର୍ ତଃୟ୍ ଇସ୍ପରାର୍ ଆସିର୍ବାଦାର୍ ବିସୟ୍ ଜାଣିଆଚାସ୍ ଅଃମାର୍ ବାଦୁଲେ ଜେ କି କ୍ରିଷ୍ଟୁର୍ ବିସ୍ବାସି ହାୟ୍ଚି କଃରୁ । 8 ସେ ହେଁ ପବିତ୍ର ଆମ୍ ଦିଲାର୍ ତୁମିମଃନାର୍ ଲାଡ୍ କଃତା ଅଃମିମଃନକ୍ ଜାଣାୟ୍ ଆଚେ ।

☆ 1:7 ୧:୭ କଲ ୪:୧୨; ପିଲିମ ୧:୨୩.

9 ଇଡାର ଗିନେ ତୁମିମଃନାର ବିସୟେ ସୁଣ୍ଠା ବଃଲହୁଣି ସଃରୁବଃଲ ତୁମାର ଗିନେ ପାର୍ତ୍ତନା କଃରୁଲୁ । ପବିତ୍ର ଆମ୍ଠା ଦିଲ୍ଲା ସଃରୁ ଗିଆନ୍ ଆର୍ ବୁଜ୍ତା ସଃକ୍ତି ସଃକ୍ତି ଇସ୍ଵରାର ଇଡା ହୁର୍ନ୍ ବାବେ ଜଃନକଃରି ତୁମିମଃନ ଜାଣୁ ହାରାସ୍ ଇଡାର ଗିନେ ତୁମାର ହାୟ୍ ପାର୍ତ୍ତନା କଃରୁଲେ । 10 ତଃନଅଲେ ତୁମିମଃନ ମାପୁର୍ ଇଡା ହଃକ୍ତାରେ ଜିବନ୍ କାରୁ ହାରାସ୍ ଆର୍ ତାର ସଃର୍ଦାର କାମ୍ କଃରୁ ହାରାସ୍ । ତୁମିମଃନ ସଃରୁ ରଃକମାର ନିକ କାମ୍ କଃରୁ ହାରାସ୍ । ଆର୍ ଇସ୍ଵରାର ବିସୟେ ତୁମାର ଗିଆନ୍ ବାଡେଦ୍ । 11 ଆର୍ ସଃରୁ ବିସୟେ ସାସ୍ବାନ୍ଦତାର ଆର୍ ଦିର୍ସୁସ୍ତାୟ୍ ଅଃଉଁକେ ତାର ଜଃଜ୍ଵାନ୍ ସଃକ୍ତି ହଃକ୍ତାରେ ସଃକ୍ତି ଅଃଉଆ । 12 ଆରେକ୍ ଜୁୟ୍ ଉବା ଉଜାଲେ ଦଃମ୍ ମଃନାର ଅଃଦିକାରାର ବାଟା ହାଉଁକେ ତୁମିମଃନକେ ଜୟ୍ଃଃ କଃରିଆରେ, ଇଡାର ଗିନେ ସଃର୍ଦାର ସଃଙ୍ଗ ତାକେ ଦନ୍ୟବାଦ୍ କଃରା । 13 ସେ ଅଃମିମଃନକ୍ ଅଃନ୍ଦାରାର ଅଃଦିକାରେ ହୁଣି ରଃକ୍ୟା କଃରି ଅଃହଣାର ଲାଡାର ହୟ୍ସିର୍ ବିବ୍ତି ନାୟ୍ଲାର ରାଈଜ୍ ବିଡେ ଆଣିଆରେ । 14 *ଜିସୁର୍ ଗିନେ ଅଃମିମଃନ ମୁକ୍ତି ଆରୁ ତାର ଅଃର୍ଡ୍ ଅଃଉଁଲି ହାହ୍ କେମା ହାୟ୍ ଆରୁ ।

କ୍ରିଷ୍ଟ ଆର୍ ତାର କାମ୍

15 କ୍ରିଷ୍ଟ ନଃଡିସ୍ତାର ଇସ୍ଵରାର ତିସ୍ତାର ବାନ୍ତି ମୁର୍ତ୍ତି, ସଃରୁ ଉବ୍ଜାଣାର ହଃର୍ଡ୍ ଜାଡ୍ ଆର୍ ସଃରୁ ଉବ୍ଜାଣ୍ ତଃୟ୍ ହୁଣି ବଃଡ୍ । 16 କାୟ୍ତାକ୍ବଃଲେକ୍ ତିସ୍ତାର ଆର୍ ନଃଡିସ୍ତାର ଆସ୍ତିବାତି, ସଃଗେର୍ ଆର୍ ହୁର୍ତ୍ତ୍ ଏ ସଃରୁ ବିସୟ୍ ସେ ଉବ୍ଜାଣ୍ କଃଲ୍ଲା, ରାଜ୍ଗାଦି କି ରଃଜାମଃନ ଆର୍ ସଃରୁ ଅଃଦିକାରିମଃନକେ ଉବ୍ଜାୟ୍ଲା ଇସ୍ଵର୍ ସେ ନିଜେ ଆର୍ ତାର ଗିନେ ସଃରୁ ଜଃଗଡ୍ ଉବ୍ଜାଣ୍ କଃଲ୍ଲା ଆର୍ ତାର ହାୟ୍ ଉବ୍ଜାଣ୍ ଅୟ୍ଆରେ । 17 ସଃରୁ ଉବ୍ଜାଣ୍ ଅଃଉତା ହୁର୍ବେହୁଣି କ୍ରିଷ୍ଟ ଆରେ ଆର୍ ତାର ତଃୟ୍ ଜଳି ଅୟ୍ଲାଇକ୍ ସଃରୁ କଃତାର ରୁହ୍ ଆରେ । 18 *ଆର୍ ସେ ମଣ୍ଡ୍ଲି ରୁହାର ଗଃଗାଲାର ମୁଣ୍ଡ୍ହର୍, ସେ ମୁଲେହଃଣି, ମଃଲ୍ଲାମଃନକାର ବିଡେ ହଃର୍ଡ୍ ଉଚିରିଲ୍ଲା ହଃର୍ଡ୍ଜାଡ୍

ହିଲା, ଜୁୟତାର ଗିନେ ସେ ସଞ୍ଚୁ ବିସୟେ ହଞ୍ଚୁ ଟାଣ ହାଉତାର ଜୟଗ୍ । 19 କାୟତାକବଞ୍ଚଲେକ୍ ଇସ୍ପରାର ଟିକ୍ କଞ୍ଚଲା ହଞ୍ଚକାରେ ହୟସି ନିଜେ ଇସ୍ପରାର ହୁନ୍ ଗୁଣ୍ ଦଞ୍ଚରେଦ୍ । 20 ହୟସି ଗିନେ ସଞ୍ଚୁ ଜଞ୍ଚଗତ୍ତକେ ବାଉଲାୟ ଆଣ୍ଟକେ ଟିକ୍ କଞ୍ଚଲା ଆର୍ କୁସେ ତାର ହୟସିର୍ ମଞ୍ଚନ୍ ଗିନେ ତିର୍ କଞ୍ଚରିଆତେ । ଆର୍ ହୁତ୍ ଆର୍ ସଞ୍ଚଗେ ରିଲାୟ ସଞ୍ଚୁ ବିସୟକେ ନିଜାର ତଞ୍ଚୟ ବାଉଲାୟ ଆଣେଦ୍ ।

21 ଆର୍, ହୁବେ କଞ୍ଚରାବ୍ ବାବନା ମିର୍ କାମ୍ କଞ୍ଚରି ତୁମିମଞ୍ଚନ୍ ଇସ୍ପରାର ତଞ୍ଚୟ ହୁଣି ବିନ୍ ରିଲାୟ ଆର୍ ମଞ୍ଚନେ ସଞ୍ଚୁ ନଞ୍ଚରିଲାୟ । 22 ମଞ୍ଚତର୍ ଅଞ୍ଚବେ ଇସ୍ପର ତୁମିମଞ୍ଚନ୍କେ ହେଁ ଅଞ୍ଚହଣାର ମୁଁର୍ ନିର୍ମୁଲ୍, ଲିୟା ନଞ୍ଚହାୟଲାୟ ଆର୍ ନିର୍ଦ୍ଦସି କଞ୍ଚରି ତାହୁନ୍ କଞ୍ଚରୁକେ କ୍ରିସ୍ପର ମାସାର ଗଞ୍ଚଗାଲେ ମଞ୍ଚଲାକେ ତୁମିମଞ୍ଚନ୍କେ ଆରେକ୍ ନିଜାର ସଞ୍ଚକ୍ ମିସାୟ ଆତେ । 23 ତୁମିମଞ୍ଚନ୍ ଜଞ୍ଚବେ ବିସ୍ପାସେ ମୁଲ୍ଚି ଜାଣି ଅଞ୍ଚରୁଆ ରଞ୍ଚୟ ନିକ୍ କରୁରେ ରିଲା ବଞ୍ଚର୍ଯା ଚାଡି ଏଣେ ତେଣେ ନଞ୍ଚଉଆଁ । ସେ ସଞ୍ଚୁ ଅଞ୍ଚଗାୟ ତଞ୍ଚଲେ ରିଲା ସଞ୍ଚୁ ଜଞ୍ଚଗତେ ପର୍ଚାର୍ ଅୟଆତେ ତୁମିମଞ୍ଚନ୍ ସୁଣିଆଚାୟ, ଆର୍ ମୁୟ୍ ପାଉଲ୍ ସେତିର୍ ଗଟେକ୍ ସେବାକାରି ଅୟ ଆତି ।

ମଣ୍ଟଲି ତଞ୍ଚୟ ପାଉଲାୟ ସେବା କାମ୍

24 ମୁୟ୍ ତୁମିମଞ୍ଚନାର ଗିନେ ଜୁୟ ସଞ୍ଚୁ ଦୁକ୍ ବୟଗ୍ ତଞ୍ଚୟ, ଅଞ୍ଚବେ ସଞ୍ଚର୍ଯା କଞ୍ଚରୁଲେ, ଆର୍ କ୍ରିସ୍ପର ଜୁୟ ଦୁକ୍ ବୟଗ୍ ବାକିଆତେ, ସେରି ମୁୟ୍ ତାର ଗଞ୍ଚଗାଲ୍ ହର୍ ମଣ୍ଟଲିର୍ ହାୟ ମର୍ ଗଞ୍ଚଗାଲେ ହୁରୁଣ୍ କଞ୍ଚରୁଲେ । 25 ଇସ୍ପର ମକେ ଜୁୟ ସେବାକାରି ହଞ୍ଚଦ୍ ତୁମିମଞ୍ଚନାର ହାୟ ଦଞ୍ଚୟଆତେ ସେ ହଞ୍ଚକାରେ ମୁୟ୍ ସେ ମଣ୍ଟଲିର୍ ଗର୍ ସେବାକାରି ଅୟ ଆତି, ଜଞ୍ଚନ୍କଞ୍ଚରି ମୁୟ୍ ଇସ୍ପରାର କଞ୍ଚତା ହୁଣ୍ଟକଞ୍ଚରି ପର୍ଚାର୍ କଞ୍ଚରିୟ୍ । 26 ସେ ଗୁପ୍ତକଞ୍ଚତା ହୁବେ ଆର୍ ଦାଦିବାବୁ ମଞ୍ଚନାର ତଞ୍ଚୟହୁଣି ଗୁପ୍ତ ଅୟରିଲି, ମଞ୍ଚତର୍ ଅଞ୍ଚବେ ସେରି ତାର ସାଦୁ ଲକ୍ତୁମଞ୍ଚନାର ତଞ୍ଚୟ ଜାଣା ହଞ୍ଚଲିଆତେ । 27 ଅଜିଉଦିମଞ୍ଚନାର ତଞ୍ଚୟ ସେ ଗୁପ୍ତ କଞ୍ଚତାର ଜଞ୍ଚଜ୍ମାନାର ଦଞ୍ଚନ୍ ଜେ କାୟରି,

ସେରି ଇସ୍ଵର ଅଃହଣାର ଲକ୍ଷ୍ମଣନାର ତଃୟ୍ କଃଉଁକେ ମଃନକଃଲ୍ଲା; ସେ ଗୁପ୍ତକଃତା ଇରି, ତୁମିମଃନାର ବିତ୍ତେ କ୍ରିଷ୍ଟ ସେ ଜଃଜ୍ଞମାନାର ବଃର୍ସାହର୍ ।²⁸ ତାକେ ଅଃମିମଃନ ପର୍ଗାର କଃରୁଲ୍ଲୁ, ଆର୍ ହଃଡିଲକେ ଚେଡ୍ନା ଆର୍ ହୁର୍ନ୍ ଗିଆନ୍ ସଃଙ୍ଗ୍ ସିକ୍ୟା ଦେଉଁଲ୍ଲୁ, ଜଃନକଃରି ଅଃମିମଃନ ହଃଡିଲକେ କ୍ରିଷ୍ଟର୍ ମିଳାମିସାୟ୍ ସିଦ୍ ଦଃରି ଦଃକାଉଁ ହାରୁ ।²⁹ ଇ କାମ୍ ହୁରୁଣ୍ କଃରୁକେ ମର୍ ତଃୟ୍ ଚାଲ୍ତା କ୍ରିଷ୍ଟ ଦଃୟ୍ ରିଲ୍ଲା ବଃଡ୍ ସଃକ୍ତିକେ କାମେ ଲାଗାୟ୍ ଜିବନ୍ ହଃରାଣ୍ ଦଃୟ୍ ଚେଷ୍ଟା ଆର୍ କଃସ୍ତୁ କଃରୁଲେ ।

2

¹ ତୁମିମଃନାର ଆର୍ ଲାଅଦିକିଆର୍ ଲକ୍ଷ୍ମଣନାର, ଆରେକ୍ ଜଃଡେକ୍ ଲକ୍ ମକେ ନଃଚିନି ନଃଜାଣି ଆର୍ଡି, ସେ ସଃବୁ ଲକାର୍ ଗିନେ ମୁୟ୍ ୍କଃଡେକ୍ କଃସ୍ତୁ କଃରିଆଟି ଇରି ତୁମିମଃନ ଜାଣା ବଃଲି ମର୍ ମଃନ ।² ମର୍ ମଃନ ଇରି, ଜଃନକଃରି ତୁମିମଃନ ସଃର୍ଦା ଅଃଉଆସ୍ ଏକ୍ ଆରେକ୍ ଲାଡେ ବାନ୍ଦି ଅଃଉଆସ୍ ଆର୍ ସଃଡ୍ ଗିଆନ୍ ଲାବ୍ କଃରି ମୁଲ୍ ବଃର୍ସା ହର୍ ଦଃନ୍ ହାୟ୍ ହୁର୍ନ୍ ଅଃଦିକାରି ଅଃଉଆସ୍ ଇରି ମର୍ ମଃନ । ଇତାର୍ ଗିନେ ତୁମିମଃନ ସଃବୁଲକ୍ ଜାଣାସ୍ ଜେ କ୍ରିଷ୍ଟ ହଃକା ଇସ୍ଵରାର୍ ସେ ଗୁପ୍ତ କଃତା ।³ କ୍ରିଷ୍ଟ ଅଃଉଲ୍ଲା ସେ କୁଟିକାତା ଜୁୟ୍ରି ଇସ୍ଵରାର୍ ବୁଦି ଆର୍ ଗିଆନ୍ ହର୍ ସଃବୁ ଲୁକାୟ୍ ରିଲ୍ଲା ଦଃନାର୍ କାହାଟ୍ ଉଗାଲେଦ୍ ।

⁴ କେ ତୁମିମଃନକେ ଚଃଲାକି କଃତାୟ୍ ବୁଲ୍କାୟ୍ ନଃକେରେ, ସେତାକ୍ ଇରି କଃଉଁଲେ ।⁵ କାୟ୍ତାକ୍ ବଃଲେକ୍ ଜଦି ନିଜ୍ ଗଃଗାଲେ ମୁୟ୍ ୍ ସେତି ନାୟ୍, ଅୟ୍ଲେକ୍ ହେଁ ଆମାୟ୍ ତୁମିମଃନାର୍ ସଃଙ୍ଗ୍ ଆଟି । ତୁମିମଃନାର୍ ନିକରି ଆର୍ କ୍ରିଷ୍ଟର୍ ତଃୟ୍ ଜଃବର୍ ବିସ୍ଵାସି ଇରି ଦଃକି ସଃର୍ଦା ଅଃଉଁଲେ ।

କ୍ରିଷ୍ଟର୍ ତଃୟ୍ ହୁର୍ନ୍ ଜିବନ୍

⁶ ବଃଲେକ୍, କ୍ରିଷ୍ଟଜିସ୍ତକେ ମାପୁ ବଃଲି ମାନି ଆଚାସ୍, ସେନକଃରି ତାର୍ ସଃଙ୍ଗ୍ ମିସିକଃରି ଜିବନ୍ କାଟା; ⁷ ତୁମିମଃନାର୍ ତଃୟ୍ ରିଲ୍ଲା ସିକ୍ୟା ହଃର୍କାରେ ବିସ୍ଵାସେ ଅଃଦିକ୍ ସଃକ୍ତି ଅଃଉଆ । ତୁମିମଃନାର୍ ମଃନ ଦନ୍ୟବାଦେ ହୁର୍ନ୍ ଅଃଉଆ ।

8 ଜଃଗ୍ରାଡ଼, କେ ଜଃନକଃରି ତୁମିକେ ଜଃଗତାର ବାମାଉତାର କଃରାବ୍ ଗିଆନେ ଆୟତେ ନଃରେକ ସେ ସଃବୁ ଗିଆନ୍ କ୍ରିସ୍ଟର ସିକ୍ୟା ତଃୟ୍ ହୁଣି ନାସେ ସେରି ମାନାୟ୍ ମଃନାର୍ ହୁର୍ବେ ହୁଣି ଚାଲି ଆୟଲ୍ ସିକ୍ୟା ଆର୍ ବିସ୍ବାସ୍ ଉହେ ସାସନ୍ କଃତ୍ ରିଲ୍ଲା ଗଃଗାଲ୍ ନାୟଲ୍ ସଃକ୍ତି ମଃନାର୍ ସିକ୍ୟାର୍ ହଃଲ୍ । 9 ଅଃବକା ମାନାୟ୍ ରୁହାର୍ କ୍ରିସ୍ଟର ତଃୟ୍ ଇସ୍ବରାର୍ ଗୁଣ୍ ହୁରୁଣ୍ କଃରି ରଃୟ୍ ଆତେ । 10 ତାର୍ ସଃଙ୍ଗ୍ ମିସ୍ଲାର୍ ଗିନେ ତୁମିମଃନ୍ ଜିବନେ ହୁରୁଣ୍ ଲାବ୍ କଃରିଆଚାସ୍ ବିନ୍ ସଃବୁ ସଃକ୍ତି ଆର୍ ଅଃଦିକାରି ଉହେ କ୍ରିସ୍ଟର ସାସନ୍ ହାଣ୍ ହଃକା ସଃବ୍କେ ବଃଡ଼ ।

11 ଆରେକ୍ ହେଁ ଗଃଗାଲାର୍ ମଃନ୍ବାବ୍ ଚାଡ଼ିକଃରି ତୁମିମଃନ୍ କ୍ରିସ୍ଟର ସଃଙ୍ଗ୍ ମିସିକଃରି ମାନାୟ୍ କଃର୍ତ୍ତା ସୁନଡ଼ ନଃୟକଃରି କ୍ରିସ୍ଟର ସୁନଡ଼ ତଃୟ୍ ସୁନଡ଼ ଅୟ୍ ଆଚାସ୍ । ସେରି ମାନାୟ୍ ହାହ୍ କଃଲ୍ଲା ଗଃଗାଲାର୍ ସଃବୁ ସଃକ୍ତି ତଃୟ୍ ହୁଣି ମୁକ୍ଲାୟ୍ । 12 ✧ତୁମିମଃନ୍ ବାପ୍ରିସମେ ତାର୍ ସଃଙ୍ଗ୍ ମଃରି ଉଟି, ଜୁୟ୍ ଇସ୍ବର୍ ତାକେ ମଃଲ୍ଲା ତଃୟ୍ ହୁଣି ଉଚାୟ୍ଲା ତାର୍ କଃରୁହାର୍ତ୍ତା ସଃକ୍ତିଏ ସଃଡ଼ କଃରି କ୍ରିସ୍ଟର ସଃଙ୍ଗ୍ ଆରେକ୍ ଉଟି ଆଚାସ୍ । 13 ✧ହାହାର୍ ଗିନେ ଆର୍ ଗଃଗାଲେ ଅଜିଉଦି ରିଲ୍ଲାକେ ତୁମିମଃନ୍ ତ ମଃରି ରିଲ୍ଲାସ୍, ତୁମିମଃନ୍କେ ହେଁ ଇସ୍ବର୍ ତାର୍ ଜିବନ୍ ଦଃୟ୍ଆତେ; ସେ ତ ଅଃମିମଃନ୍କ ସଃବୁ ହାହ୍ କେମା କଃରିଆତେ । 14 ✧ଆରେକ୍ ବିଦି ଉହେ ଅଃମିମଃନାର୍ ବିରଦେ ଜୁୟ୍ ଦଃସ୍ ଲେକା ରିଲ୍ଲି, ସେରି ସେ ନାସ୍ କଃରି କୁସେ ମାରିକଃରି ଅଃମାର୍ ହାୟ୍ ରିଲ୍ଲାର୍ ହାହ୍ ଗୁଚାୟ୍ ଆତେ 15 ଆରେକ୍ ସେ କୁସେ କ୍ରିସ୍ଟ ସଃବୁ ରଃକମାର୍ ସଃକ୍ତି ଆର୍ ଅଃଦିକାରି ତଃୟ୍ ହୁଣି ନିଜକେ ମୁକ୍ତ କଃରି ଆତେ ଆର୍ ସେମଃନ୍କେ ବାନ୍ଦି କଃରି ନିଜେ ଜିଣିକଃରି ଜାତାବଃଲ୍ ସଃବୁ ଲକାର୍ ମୁୟେ ସେମଃନ୍କେ ଲାଜ୍ କଃରାୟ୍ ଆତେ ।

16 ✧କାଉଆ ହିଉଆ କି ହଃର୍ବ୍, ଦଃର୍ମଦିନ୍ କି କଃଉଁଣାଜନ୍ ହଃର୍ବ୍ କି ବିସାଉଁଣି ବାରାର୍ କଃତାୟ୍ କେ ତୁମିକେ ଦଃସି ବିଚାର୍ ନଃକେରଡ଼ । 17 ସେରିମଃନ୍ ଅୟ୍ଲି ଆସୁଲ୍ଲା ଦିନେ ଗଃଟତା ବିସୟାର୍ ହାୟ୍ ଗଃଗାଲ୍ ହର୍, ମଃତର୍ କ୍ରିସ୍ଟ ହଃକା ସଃବୁ ବିସୟାର୍

✧ 2:12 ୨:୧୨ ରମି ୬:୪. ✧ 2:13 ୨:୧୩ ଏପି ୨:୧-୫. ✧ 2:14 ୨:୧୪ ଏପି ୨:୧୫.

✧ 2:16 ୨:୧୬ ରମି ୧୪:୧-୬.

ମୂଳ । ¹⁸ ଜୁୟମାନ ଦଃର୍ଯନ୍ ଚଃଲାକି ସୁସାର୍ ଆର୍ ସଃର୍ଗଦୁଡ୍ ହୁଜା ଉହେ ମଃନ୍ ଦଃୟ ନିଜକେ ଗଃର୍ବ କଃତ୍, ସେମଃନକେ ଦଃକି ନିଜକେ ସାନ୍ ବାବାନାୟ୍ ଇହର୍ ଲକ୍ମଃନ୍ ନିଜକେ ମାନାୟ୍ ମଃନାର୍ ବାବନାୟ୍ ହଲ୍ୟା ଗଃର୍ବେ ଗଃର୍ବ କଃତ୍ । ¹⁹ *ଗଃଗାଲାର୍ ମୁଣ୍ଡ ହର୍ କ୍ରିସ୍ଟର୍ ତଃୟ୍ ହୁଣି ସେମଃନ୍ ଦୁର୍ ଅୟ୍ ଆବ୍ତି ତାର୍ତଃୟ୍ ହୁଣି ଗଃଗାଲାର୍ ସବୁ ଗଃଟିମଃନ୍ ଆର୍ ଚିର୍ମଃନାର୍ ଗିନେ ଉହକାର୍ ହାୟ୍ ଦୁମା ଅୟ୍ଦ୍ ଆର୍ ଗଃଗାଲ୍ ଇସ୍ପରାର୍ ଇଚା ହଃକାରେ ବାଡେଦ୍ ।

କ୍ରିସ୍ଟ ସଃଙ୍ଗ୍ ମଃର୍ତୀର୍ ଆର୍ ଜିଉତାର୍

²⁰ ତୁମିମଃନ୍ କ୍ରିସ୍ଟର୍ ସଃଙ୍ଗ୍ ମଃରି ଆଚାସ୍ ଆର୍ ଇ ରାଜି ଉହେ ରାଜ୍ କଃର୍ତୀ ସଃଲ୍ଲିମଃନାର୍ ବଃଲେହୁଣି ମୁକ୍ଲି ଆଚାସ୍ । ତଃବେ କାୟ୍କଃରୁକ୍ ତୁମିମଃନ୍ ଜଃଗତାର୍ ଲକ୍ ହର୍ ଜିବନ୍ କାଟୁଲ୍ୟା ? କାୟ୍କଃରୁକ୍ ତୁମିମଃନ୍ ଇହର୍ ବିଦି ସଃବୁ ମାନୁଲ୍ୟା, ²¹ “ଇରି ଦଃରା ନାୟ୍, ସେରି କାହାନାୟ୍, ସେରି ଚିଉଆ ନାୟ୍ ।” ²² ଇସଃବୁ ବିସୟ୍ ଦୁୟ୍ ଦିନାର୍ । ଇରି ବେବାର୍ ଅଃଉତା ସଃଙ୍ଗେ ସଃଙ୍ଗେ ହଲ୍ୟା ଅୟ୍ଦ୍ । ଇସଃବୁ ଅଃବକା ମାନାୟ୍ ହାଜ୍ଲା ନିଅମ୍ ଆର୍ ସିକ୍ୟା । ²³ ବାୟ୍ଦରେ ସଃର୍ଗଦୁଡ୍ ହୁଜା, ଚଃଲାକି, ସୁସାର୍, ଦଃମ୍ ଆର୍ ଗଃଗାଲକେ କଃସ୍ତ ଦେତାର୍ ଗିନେ ଗିଆନାର୍ ନାଉଁ ହାଇ ଆଚେ, ମଃତର୍ ସେତିର୍ ମଲ୍ ନାୟ୍; ସେତାର୍ଗିନେ ଗଃଗାଲାର୍ ମଃନ୍ବାବାର୍ ହୁର୍ନ୍ ଅୟ୍ଦ୍ ।

3

¹ ତୁମିମଃନ୍ ଜଃବେ କ୍ରିସ୍ଟର୍ ସଃଙ୍ଗ୍ ମଃରି ଉଚି ଆଚାସ୍, ତଃବେ ଇସ୍ପରାର୍ କାତାବାଟ୍ ବଃସିରିଲା କ୍ରିସ୍ଟର୍ ଜୁୟ୍ ରେତାଟାଣ୍, ସେ ସଃର୍ଗାର୍ ବିସୟ୍ମଃନ୍ ମଃନ୍ ଦିଆସ୍ । ² ହୁର୍ବିର୍ ବିସୟ୍ ମଃନେ ଦଃରିନଃକେରି ସଃର୍ଗାର୍ ବିସୟ୍ ମଃନେ ଦଃରା । ³ କାୟ୍ତାକ୍ବଃଲେକ୍ ତୁମିମଃନ୍ ମଃରି ଆଚାସ୍, ଆର୍ ତୁମିମଃନାର୍ ଜିବନ୍ ଇସ୍ପରାର୍ ତଃୟ୍ କ୍ରିସ୍ଟର୍ ସଃଙ୍ଗ୍ ଗୁପ୍ ଆଚେ । ⁴ ଅଃମିମଃନାର୍

* 2:19 ୨:୧୯ ଏପି ୪:୧୭.

ଜିବନ୍ ହର ଜେ କ୍ରିଷ୍ଟୁ ଜଃଡ଼ବଃଲ୍ ସେ ଦଃକାୟ୍ ଅୟ୍ଦ୍, ସଃଡେବଃଲ୍ ତୁମିଫଃନ ହେଁ ତାର୍ ସଃଈ ଜଃଜ୍ଫାନେ ଦଃକାୟ୍ ଅଃଡଆସ୍ ।

ହର୍ନା ଆର୍ ନଃଈଆଁ ଜିବନ୍

⁵ ତୁମିଫଃନାର୍ ହୁତ୍ ବିର୍ ଇଚାୟ୍, ବଃଲେକ୍ ଦାରିଫଃନ୍ଦାବ୍, ବିଚାଲ୍, କଃରାବ୍ ଫଃନ୍ଦାବ୍, ଚଃକ୍ରହାଣ୍, ମୁତ୍ ହୁଜା ହର୍ ଲଃବ୍, ଇସଃରୁ ବିସ୍ତେ ହୁଣି ଦୁରି ରିଆ । ⁶ ଇ ସଃରୁ ଜେଫଃନ୍ କଃଡ୍ ଆର୍ ଇସ୍ତରକେ ନଃଫାନ୍ତି ଇତାର୍ ଗିନେ ଇସ୍ତରା ରିସା ସେଫଃନାର୍ ଉହେ ଆସେଦ୍ । ⁷ ହଃର୍ଡୁ ତୁମିଫଃନ୍ ହେଁ ଇରିଫଃନ୍ ଲଃବ୍କଃରି ସେରଃକମ୍ ଜିବନ୍ କାଚ୍ତି ରିଲାସ୍ ।

⁸ ଫଃତର୍ ଅଃବେ ତୁମିଫଃନ୍ ହେଁ ଇରିଫଃନ୍ ବଃଲେକ୍, ରିସା, ବେର୍, ଅଃକାର୍, ଲିୟା, ଚଃକ୍ରକଃତା ଚାଡିଦିଆସ୍ । ⁹ ଏକ୍ ଆରେକ୍ ମିର୍ କଃଡଆ ନାୟ୍; ତୁମିଫଃନ୍ ତ ହର୍ନା ଚାଲ୍ଚାଲ୍ତି ଆର୍ ¹⁰ ଏସେତିର୍ ସଃରୁ କାମ୍ ଚାଡିକଃରି ନଃଈଆଁ ଗୁଣ୍ ଦଃରି ଆଚାସ୍ ସେ ନଃଈଆଁ ଗୁଣ୍ ନିଜାର୍ ଉବ୍ଜାଣକାରି ରୁହ୍ ହଃକାରେ ହୁର୍ନି ଗିଆନ୍ ହାଉଁକେ ନଃଈଆଁ ଅୟ୍ ଆଚାସ୍ । ¹¹ ଇତାର୍ ଗିନେ ଅଜିଉଦି ଆର୍ ଜିଉଦି ସୁନଡ୍ ଆର୍ ଅସୁନଡ୍ ନିଜାର୍ ବଃର୍ନି, ବିନ୍ବଃର୍ନି, ଗତିଦଃଈଲ୍ କି ହଃଦାସେ ରିଲାର୍ ଇ ଲକାର୍ ବିତ୍ରେ କେହେଁ ବିନ୍ ନାୟ୍, ଫଃତର୍ କ୍ରିଷ୍ଟୁ ସଃରୁ ତଃୟ୍ ସଃରୁର୍, ଆରେକ୍ ସଃବକାର୍ ତଃୟ୍ ବାସାକଃରୁଲା ।

¹² ଏକ୍ ତୁମି ଇସ୍ତରା ଲକ୍, ସେ ତୁମିକେ ଲାଡ୍ କଃରି ସେ ନିଜାର୍ ଗିନେ ବାଚ୍ଲା, ସେତାର୍ ଗିନେ, କଃଉଁଣା ଫଃନ୍, ଦଃୟା, ସୁସ୍ତା, ଦିର୍, ସଃସ୍ତାଲ୍ତାର୍ ହୁଈ । ¹³ ଏକ୍ ଆରେକ୍ ଏକ୍ଳାକେ ସଃସ୍ତାଲ୍, ଆରେକ୍ ଜଦି କାର୍ ବିରଦେ କଃତା ରିଲେକ୍, ଏକ୍ଳା ଆରେକ୍ ଏକ୍ଳାକେ କେଫା କଃରି; ମାପୁ ଜଃନ୍କଃରି ତୁମିଫଃନ୍କେ କେଫା କଃରି ଆଚେ, ତୁମିଫଃନ୍ ହେଁ ସେ ରଃକମ୍ କେଫା କଃରା । ¹⁴ ଆର୍ ଇ ଗୁଣ୍ ଉହେ ଲାଡ୍କେ ହୁଈ, ଇରି ସଃରୁ ସିଦ୍ କଃରି ଗଚେକ୍ କଃରେଦ୍ । ¹⁵ ଆର୍, କ୍ରିସ୍ତୁର୍ ଦିଲା ଜୁୟ୍ ସୁସ୍ତା ବଗ୍ କଃରୁକେ ତୁମିଫଃନ୍କେ

☆ 3:9 ଶା:୯ ଏପି ୪:୨୨. ☆ 3:10 ଶା:୧୦ ଏପି ୪:୨୪. ☆ 3:12 ଶା:୧୨ ଏପି ୪:୨.

☆ 3:13 ଶା:୧୩ ଏପି ୪:୩୨.

ଗଟେକ୍ ଗଠଗାଳ୍ ହର କୁଦାୟ୍ ଅୟ୍ ଆଚାସ୍, ସେରି ତୁମିମଠନାର୍ ମଠନେ ରାୟ୍ଜକଠର; ଆରେକ୍ ତୁମିମଠନ୍ ସଠବୁବଠଲ୍ ଦନ୍ୟବାଦ୍ ଦିଆସ୍ । 16 ✠ କ୍ରିଷ୍ଟୁର୍ କଠତା ତୁମିମଠନାର୍ ମଠନେ ଜଠବର୍ ବାସାକଠର; ତୁମିମଠନ୍ ହଠତିଲକ୍ ହୁର୍ନ୍ ବୁଦିର୍ ସଠଙ୍ଗ୍ ସିକାଉଆ ଆର୍ ତେତାଉଆ, ଆରେକ୍ ଇସ୍ପରାର୍ ଗିନେ ଗିଡ୍ ପ୍ରସଂସା, ଦଠର୍ମ୍ ଗିଆନେ ମଠନ୍ସଠହି ଗିଡ୍ କଠଉଆ । 17 ଆର୍ କଠତାୟ୍ କି କାମେ ତୁମିମଠନ୍ ଜାଇରି କଠରା, ସେରିମଠନ୍ ମାପୁ ଜିସୁର୍ ନାଉଁଏ କଠରି, ତାର୍ ତଠୟ୍ ଉବା ଇସ୍ପରକେ ଦନ୍ୟବାଦ୍ ଦିଆସ୍ ।

ନଠଉଆଁ ଜିବନ୍ ସଠଙ୍ଗ୍ ମିସ୍ତାର୍

18 ✠ଏ ମାୟ୍ଜିମଠନ୍, ଜିସୁ ମାପୁର୍ ମିଳାମିସାୟ୍ ଚିକ୍ ତାଲ୍ତାଲ୍ତି ହଠର୍କାରେ ନିଜାର୍ ନିଜାର୍ ଅଠଶ୍ଟାର୍ କଠତାମାନି ତାଲା ।

19 ✠ଏ ଅଠଶ୍ଟାମଠନ୍ ନିଜାର୍ ନିଜାର୍ ମାୟ୍ଜିମଠନ୍କେ ଲାଡ୍ କଠରା, ସେମଠନ୍କେ ସାଦା ନାୟ୍ ।

20 ✠ଏ ହିଲାମଠନ୍, ସଠବୁ କଠତାୟ୍ ଆୟାଉବାର୍ ବଲ୍ ମାନା, କାୟ୍ତାକ୍ ବଠଲେକ୍ ଇରି ମାପୁ ତଠୟ୍ ସଠର୍ଦାର୍ କଠତା ।

21 ✠ଏ ଆୟା ଉବାମଠନ୍ ନିଜାର୍ ନିଜାର୍ ହିଲାମଠନ୍କେ ରିସା କଠରାଉଆ ନାୟ୍, ବଠଲେକ୍ ଇତାର୍ ଗିନେ ସେମଠନ୍ ମଠନ୍ ଉଣା କଠତ ।

22 ✠ଏ ଗତିଦଠଙ୍ଗ୍ଲାମଠନ୍ ନଠର୍ ସାଉକାର୍ ମଠନ୍କେ ସଠର୍ଦା କଠରାଉକ୍ କଠଲାହର୍ ଦଠକ୍ଣେ କାମ୍ ନଠକେରି ମାପୁକେ ତିରି ମଠନ୍ସଠର୍ଦାୟ୍ ସଠବୁ କଠତାୟ୍ ତୁମିମଠନାର୍ ଜଠଗତାର୍ ମୁଲିକାର୍ କଠତାମାନା । 23 ତୁମିମଠନ୍ ଜାୟ୍ରିହେଁ କଠରାସ୍, ମାପୁ ହାୟ୍ କଠଲାହର୍ ସଠର୍ଦାୟ୍ ସେରି କଠରା, ମାନାୟ୍ ହାୟ୍ କଠଲାହର୍ କଠରା ନାୟ୍; 24 ମଠନେ ହଠକାଉଆ ମାପୁର୍ ତଠୟ୍ ହୁଣି ତାର୍ ହିଲାମଠନ୍ ହାଉତାର୍ ସଠଙ୍ଗାୟ୍ଲାର୍ ପୁରିସ୍ତାର୍ ହାଉଆସ୍, କ୍ରିଷ୍ଟୁ ସଠଡ୍ଗୁରୁ ଇରିତ ତୁମିମଠନ୍ ମାପୁ କ୍ରିଷ୍ଟୁକେ ସେବା କଠରୁଲାସ୍ ଇତି

✠ 3:16 ୱା:୧୭ ଏପି ୫:୧୯,୨୦. ✠ 3:18 ୱା:୧୮ ଏପି ୫:୨୨; ୧ ପିତ ୱା:୧. ✠ 3:19

ୱା:୧୯ ଏପି ୫:୨୫; ୧ ପିତ ୱା:୭. ✠ 3:20 ୱା:୨୦ ଏପି ୬:୧. ✠ 3:21 ୱା:୨୧ ଏପି ୬:୪.

✠ 3:22 ୱା:୨୨ ଏପି ୬:୫-୮.

ଜାଣାସ୍ । ²⁵ ✨ବଞ୍ଚେଇକ୍ ଜେ ଦସ୍ କଞ୍ଚେଇକ୍, ସେ ନିଜାର୍ ଦଞ୍ଚାସ୍ ହଞ୍ଚି ହାୟ୍ । କାୟ୍ତାକ୍ବଞ୍ଚେଇକ୍ ଇସ୍ବର୍ ମୁକ୍ତେଟ୍ ନଞ୍ଚେଇକ୍ ସଞ୍ଚକାର୍ ବିଚାର୍ କଞ୍ଚେଇକ୍ ।

4

¹ ✨ଏ ସାଉକାର୍ମଞ୍ଚନ, ସଞ୍ଚେ ତୁମିମଞ୍ଚନାର୍ ହେଁ ସାଉକାର୍ ଆଚେ ବଞ୍ଚି ଜାଣି ନିଜାର୍ ନିଜାର୍ ଗତିଦଞ୍ଚଳା ମଞ୍ଚକେ ଚିକ୍ ଆର୍ ନିକ୍ ବେବାର୍ କଞ୍ଚରା ।

ବିନ୍ଦିନ୍ ସିକ୍ୟା

² ସଞ୍ଚୁବଞ୍ଚଲ୍ ପାର୍ତନାୟ୍ ଜିବନ୍ କାଟା ଆର୍ ଇସ୍ବର୍କେ ଦନ୍ୟବାଦ୍ କଞ୍ଚି ପାର୍ତନାୟ୍ ଜଞ୍ଚାତ୍ ରିଆ । ³ ଅଞ୍ଚମାର୍ ହାୟ୍ ୍ହେଁ ପାର୍ତନା କଞ୍ଚରା, ଜଞ୍ଚକଞ୍ଚି ବାକ୍ୟ ପର୍ଚାର୍ କଞ୍ଚୁକେ ଇସ୍ବର୍ ଅଞ୍ଚମାର୍ ହାୟ୍ ଦୁଆର୍ ଉଗାଲେଦ୍ । ଆର୍ ଜଞ୍ଚକଞ୍ଚି କ୍ରିସ୍ଟର୍ ଜୁୟ୍ ଗୁପ୍ତଗିଆନାର୍ ଗିନେ ମୁୟ୍ ୍ଜଞ୍ଚଲେ ଆଚି । ⁴ ପାର୍ତନା କଞ୍ଚରା ଜଞ୍ଚକଞ୍ଚି ମୁୟ୍ ୍ସଞ୍ଚ ବାବେ ଆର୍ ନିକକଞ୍ଚି ସେରି ପର୍ଚାର୍ କଞ୍ଚୁ ହାରିୟ୍ ।

⁵ ✨ସେରି କଞ୍ଚୁକେ ବେଳା ମିଳିଆଚେ, ସଞ୍ଚ ନଞ୍ଚକେର୍ତା ଲକ୍ମଞ୍ଚନାର୍ ତଞ୍ଚୁ ବୁଦିର୍ ସଞ୍ଚା ଚାଲ୍ଚାଲ୍ତି କଞ୍ଚରା । ⁶ ତୁମିମଞ୍ଚନାର୍ କଞ୍ଚତା ସଞ୍ଚୁବଞ୍ଚଲ୍ ସଞ୍ଚାରି ଅଞ୍ଚଅ, ଦଞ୍ଚା ଲାଡାର୍ ଅଞ୍ଚଅ, ଜଞ୍ଚକଞ୍ଚି କାକେ କଞ୍ଚକଞ୍ଚି ଚିକ୍ ଉତ୍ତର୍ ଦେଉଁକେ ଅୟ୍ଦ୍ ସେରି ଜାଣୁ ହାଚାସ୍ ।

ସଞ୍ଚାସଞ୍ଚି ଜୁଆର୍ କଞ୍ଚାର୍

⁷ ✨ଅଞ୍ଚମାର୍ ଲାଡାର୍ ବାୟ୍, ମାପୁର୍ ସଞ୍ଚ ସେବାକାରି ଆର୍ ସଞ୍ଚୁଆଳି ତୁକିକ୍, ସେ ମର୍ ସଞ୍ଚୁ କଞ୍ଚତା ଜାଣାୟ୍ । ⁸ ସେଡାର୍ ଗିନେ ମୁୟ୍ ୍ତାକେ ତୁମିମଞ୍ଚନାର୍ ହାକ୍ ହଞ୍ଚାୟ୍ଲେ, ଜଞ୍ଚକଞ୍ଚି ତୁମିମଞ୍ଚନ୍ ଅଞ୍ଚମିମଞ୍ଚନାର୍ ଅବୁସ୍ତା ବିସୟ୍ ଜାଣୁହାଚାସ୍, ଆର୍ ତୁମିମଞ୍ଚନାର୍ ମଞ୍ଚ ତାର୍ ହାୟ୍ ସଞ୍ଚା ଅୟ୍ଦ୍ । ⁹ ✨ତାର୍ସଞ୍ଚା

✨ 3:25 ୩:୨୫ ଏପି ୬:୯. ✨ 4:1 ୪:୧ ଏପି ୬:୯. ✨ 4:5 ୪:୫ ଏପି ୫:୧୭. ✨ 4:7 ୪:୭ ପେରି ୨୦:୪; ୨ ତିମ ୪:୧୨. ✨ 4:7 ୪:୭ ଏପି ୬:୨୧,୨୨. ✨ 4:9 ୪:୯ ପିଲିମ ୧:୧୦-୧୨.

ମୁୟ୍ ବିସ୍ଵାସି ଆର୍ ଲାଡାର ବାୟ୍ ଅନିସିମକେ ହଃଟାୟ୍ଲେ, ସେ ତୁମିମଃନାର ବିତ୍ତେ ଏକ୍ଲା । ସେ ମର୍ ଇତିର୍ ସଃବୁ କବୁର୍ ତୁମିମଃନକେ ଜାଣାୟ୍ ।

10 ✨ମରସଃଙ୍ଗ ଜଃଇଲେ ରିଲା ଆରିସ୍ଵାର୍କ୍ ଆରେକ୍ ବର୍ନବାର୍ କୁଟୁମାର୍ ବାୟ୍ ମାର୍କ, ତାର୍ କଃତା ତୁମିମଃନ ବିଦି ହାୟ୍ ଆଚାସ୍; ସେ ଜଦି ତୁମାର୍ ହାକ୍ ଆସେଦ୍, ତଃବେ ତାକେ ମାନା, ସେ ତୁମିମଃନକେ ଦନ୍ୟବାଦ୍ ଜାଣାଉଁଲା । 11 ଆର୍ ଜୁସ୍ତ ନାଉଁଏ ତାକ୍ ହୁଟା ଜିହସ୍ତୟ୍ ହେଁ ତୁମିମଃନକେ ଜୁଆର୍ ଜାଣାଉଁଲା; ଜିହୁଦିମଃନାର ବିତ୍ତେ ସେମଃନ ହଃକା ଇସ୍ଵରାର ରାଇଜାର୍ ଗିନେ ମର୍ ସଃଙ୍ଗ୍ କାମ୍ କଃରୁ ଏମଃନ ଉହକାର୍ କଃରୁମଃନ ।

12 ✨ଏପାପ୍ଟା, ଜେ ତୁମିମଃନାର ବିତ୍ତେ ଏକ୍ଲା ତୁମିମଃନକେ ଜୁଆର୍ ଜାଣାଉଁଲା, ସେତ କ୍ରିସ୍ତ ଜିସ୍ତୁର୍ ଗତିଦଃଙ୍ଗ୍ଲା ଆର୍ ନିଜାର୍ ପାତର୍ନାୟ୍ ତୁମିମଃନାର୍ ଗିନେ ସଃବୁବଃଲ୍ ଜିବନ୍ ସଃହ୍ ଆଚେ, ଜଃନକଃରି ତୁମିମଃନକେ ସିଦ୍ ଆର୍ ଇସ୍ଵରାର୍ ସଃବୁ ଇଚାକ୍ ହୁରୁଣ୍ କଃରି ଜାଣି ଅଃରୁଆ ରିଆସ୍ । 13 କାୟ୍ତାକ୍ବଃଲେକ୍ ସେ ତୁମିମଃନାର୍ ଗିନେ ଆର୍ ଲାଅଦିକିଆ, ଆର୍ ହିରାପଲିଏ ରିଲା ଲକ୍ମଃନାର୍ ହାୟ୍ ୱିଅ୍ ଅଃଦିକ୍ କଃସ୍ତୁ କଃରୁଲା, ତାର୍ ଗିନେ ମୁୟ୍ ୱିଇ ସାକି ଦେଉଁଲେ । 14 ✨ଲାଡାର୍ ବୟ୍ଦ୍ ଲୁକ୍ ଆର୍ ଦିମା ତୁମିମଃନକେ ଜୁଆର୍ ଜାଣାଉଁଲାୟ୍ ।

15 ଲାଅଦିକିଆ ତଃୟ୍ ରିଲା ବାୟ୍ବେଣିମଃନକେ, ବେଣି ମୁନ୍ପା ଆର୍ ତାର୍ ଗଃରେ ରିଲା ମଣ୍ଡଲିକେ ଜୁଆର୍ ଜାଣାଉଆ । 16 ଆରେକ୍ ତୁମିମଃନାର୍ ବିତ୍ତେ ଇ ଚିଟି ହଲ୍ଲା ହଃଚେ ଲାଅଦିକିଆ ମଣ୍ଡଲିଏ ହେଁ ଜଃନକଃରି ହଲ୍ତା ଲଲା, ଆରେକ୍ ଲାଅଦିକିଆ ତଃୟ୍ ହୁଣି ଜୁୟ୍ ଚିଟି ଆସେଦ୍, ସେରି ହେଁ ତୁମିମଃନ ହଲାସ୍ ଇତାର୍ ଗିନେ ଜଃତୁନ୍ କଃରା । 17 ✨ଆକ୍ ପପକେ କଃଉଆ ତୁମି “ମାପୁର୍ କାମେ ଜୁୟ୍ ସେବାର୍ ହଃଦ୍ ହାୟ୍ଆଚାସ୍ ସେରି ହୁରା କଃରୁକେ ଜଃଗ୍ରାଡ୍ ଅୟ୍ରିଆ ।”

✨ 4:10 ୪:୧୦ ପେରି ୧୯:୨୯; ୨୭:୨; ପିଲିମ ୧:୨୪; ପେରି ୧୨:୧୨,୨୫; ୧୩:୧୩; ୧୫:୩୭-୩୯. ✨ 4:12 ୪:୧୨ କଲ ୧:୭; ପିଲିମ ୧:୨୩. ✨ 4:14 ୪:୧୪ ୨ ତିମ ୪:୧୧; ପିଲିମ ୧:୨୪; ୨ ତିମ ୪:୧୦; ପିଲିମ ୧:୨୪. ✨ 4:17 ୪:୧୭ ପିଲିମ ୧:୨.

18 ମୁଁ ପାଉଲ୍ ମର ନିଜାର୍ ଆଡେ ଲେକି ଇ ଚିଟି ଦଃୟ୍ ଜୁଆର୍ ଜାଣାଉଲେ, ମର ବାୟୁଣ୍ ବିତ୍ତେ ରିଲାର୍ ଏତାଉଆ, ଇସ୍ପରାର୍ ଦଃୟା ତୁମିକେ ଅଃଉଆ ।

ସଂଗୀତ ବାବୁ ନଂଞୁଆ ନିଅମ୍
**The New Testament in the Bodo Parja language of
India**

copyright © 2020 The Word for the World International

Language: ବଡ଼ ପରଜା (Bodo Parja)

Contributor: The Word for the World International

ସଂଗୀତ ବାବୁ ନଂଞୁଆ ନିଅମ୍

The New Testament in Bodo Parja Language

The Word for the World

This translation is made available to you under the terms of the Creative Commons Attribution license 4.0.

You may share and redistribute this Bible translation or extracts from it in any format, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2023-04-06

PDF generated using Haiola and XeLaTeX on 21 Feb 2024 from source files dated 7 Apr 2023

bd555ec3-1c47-52d5-9510-170234870e46